

محل مطبعه و اداره :

جفبال اوغلانده امنيت

صندوغى جوارنده

شنكول يقوشنده

۲۲ نومرو

مستطابق

اضطار :

مسلكمزه موافق آثار

جدیده مع الممنونیه

قبول اولنور

درج ایدلمهین آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاست ، احوال و شئون اسلامیه در بحث ایدر و هفته ده بر نشر اولنور .

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

قیرلمه دن مقوا بورو ایله کوندریلیرسه سنوی

۲۰ غروش فضله آلنیر

ممالک عثمانیه ایچون	سنه لکی	التی آیلنی	غروش
روسیه	۶۵	۳۰	۳۰۰
سائر ممالک اجنبیه	۱۷	۹	فرانق

بشنجی جلد

۲ شوال پنجشنبه ۲۳ ایلول ۳۲۶

عدد : ۱۰۹

صالح اولہرق دوردقہ او کیمسہ لک دفر اعمالی قیامیوب دائماً اعمال مذکورہ لریک ثوابی یازیلور .

شو حالده بر کیمسه دونمایہ اعانہ ایچون اون پاره ویروبده اشترا اولان برز رهیلدن او کیمسہ نک اون پاره سی مقابلندہ بر حیوی اصابت ایلمسه اوزرہلی محاربه ده استعمالہ قابل اولوب او حیوی دخی آندہ بولندقچہ کرک حال حیاتندہ کرک حال نمائندہ او کیمسہ بالفعل محاربه ایدرجه سنے علی الدوام اجر و ثوابہ نائل اولور . چونکہ زرہیلده کی او حیوی او کیمسہ نک صدقہ جاریہ سی دیمکدر . چوق زنگینلر من و ارکہ اوزرلرینہ فرض اولان حج شریفی ایفا ایلدکدنص کرہ ایکی اوروج ، دورت ، بش التی ، حتی یدی دفعہ زیاده اجر و ثوابہ نائل اولمق ایچون حجازہ کیدیورلر . حالبوکہ آنفاً ابن عابدیندن نقل ایلدیکم مسئلہ فقہیہ بوزماندہ دونمایہ اعانہ ویرمہ نک ثوابی تطوعاً حجازہ کیمسہ نک ثوابندن فضلہ اولدینغی بیان ایلدیک کی دونمایہ اعانہ ده هرسنہ تطوعاً حج ثوابی بولندینغی دخی بیسان ایلیمکده در . بناءً علیہ فضلہ ثواب ارزو ایدن زنگینلر تطوعاً حجازہ کیمسہ نک ايسہ دونمایہ اعانہ ویرمیلدر . فخر عالم صلی اللہ علیہ وسلم افندمن (مامن اهل بیت لا یغزو منهم غازو یجوز غازیاً بساک او بابرہ او مایعدلہا من الورق الا اصاہم اللہ بقارعة قبل یوم القیامہ) — بر عائله و بر فاملیا خلقتدن بر کیمسہ فی سبیل اللہ محاربه یہ کیدوب اعدا ایلہ جہاد و غزایمیز ، ویا ازلردن بری بر ایلمک ، یا بر ایکنہ و یا خود بوکا معادل بر یپراق پارچه سیلہ فی سبیل اللہ محاربه یہ کیدن بر غازی تی تجہیز واکا اعانہ ایلیمز ایسہ یوم قیامتدن اول عند سبحانیدن او عائله او فاملیانک باشنہ بر بلاہ عظیم اصابت ایدہ جکدر (حدیث شریفیہ امور جہادده بدناً و مالاً اعانہ و یاردیمہ بولنمیان حیتمسز کیمسہ لری دنیادہ مصیبت عظیمیہ دوچار اولہ جقلرینی بیان بیورپور . بناءً علیہ مملکت و مملکت صوک درجه دونمایہ احتیاجی بولندینغی شو زماندہ پاره ادخار ایدوبده دونما اعانہ سی ویرمیان بعض زنگینلر بیلمش اولسونلرکہ ملت نظرندہ انلر حیتمسز عد اولنہ جقلرنی کی حدیث مذکور مفادنجہ طرف سبحا - نیدن انلرہ پک بیوک بر بلا اصابت ایدہ جکی محققدر . الحاصل بویله بر زماندہ دونمایہ اعانہ ویرمینلر شرعاً ، عقلاً ، عادۃً مذموم و حیتمسز درلر .

فاتح درس عاملرندن اسکلیل

محمد عاطف

محمد عاطف

ماردینی عبدالسلام افندی

علوم آلیہ و عالیہ عربیہ نک هرشمہ سیلہ تاریخ و سائرہ کی علوم متنوعہ ده تألیف ایتدیک آثار عدیدہ سیلہ اثبات فضل و کمال

سفینہ حربیہ کی امور جہاددن محتاج اولنان شیرلی بناوتدارک ایتہ نک ثوابی تطوعاً حج ، کیمسہ نک ، نافۃ فقیرہ صدقہ ویرمہ نک ثوابندن دہا زیاده ، دہا فضلہ در . زیرا ناسک اشداحتیاجی اولان و منفعت عمومیہ یی حاوی بولنان بر خصوصی وجودہ کتورہ نک بر قاج فقیرک احتیاجی دفع ایتک کی منفعت عمومیہ یی متضمن اولمیان جہتدن البتہ خیرلوردر .

فقط زکات ، فطرہ کی فرض و واجب اولان صدقاتی امور جہادہ صرف ایتک جائز دکلدن . چونکہ (ملتی و داماد) ده دیورکہ (مسجد ، مدرسہ ، مکتب کی امور خیریہ یی و کوپری ، قرہ قول خانہ سفینہ و سائرہ کی امور جہادیہ یی وجودہ کتورمک ایچون زکات و فطرہ کی تملیک و قبض فقیرہ محتاج اولان صدقاتی صرف ایتک جائز دکلدن . لکن داماد افندی دیورکہ : بوجہ تکرہ زکات و فطرہ نک صرف اولنسی دخی ممکندر شو یلہ کہ : بر کیمسہ زکات و فطرہ سنی اولان بر فقیرہ ویرمی ، ثانیاً او فقیرہ زکات و فطرہ دن آلدینی پاریہ یی مثلاً دونما اعانہ سنے صرف ایت دیو امر ایتلی . اگر فقیر کندی اختیار یلہ او پاریہ یی دونما اعانہ سنے ویررسہ ہم فقیر و ہمده او کیمسہ ثوابہ نائل اولدینغی کی او کیمسہ زکات و فطرہ سنی دخی ایفا ایتمش اولور .

بناءً علیہ بعض جہلہ نک اکلا دقلری کی دونمایہ کی امر خیرہ طوغریدن طوغری یہ زکات و فطرہ نک صرفی جائز اولدینغی مسئلہ مذکورہ پک صریح صورتده بیان ایتیمکده در .

اشبو عرض ایلدیکم احادیث شریفہ و مسائل فقہیہ کمالیہ اکلا شدہ - قدن صکرہ ایمدی ای اسلاملر سزہ پک بیوک مژدہ لر ویرہ جکدر ، غایت قولای عمل ایلہ پک بیوک ثوابہ نائلیت یوانی او کرہ تہ جکدر : اولریکزدہ او تور دیغکدر حالده دائماً جہاد ایتک و هرسنہ تطوعاً حج ایلیمک و هر زمان فقرا یہ صدقہ ویرمک ثوابنہ نائل اولمق ایسترمیسکدر شو صرہ ده حکومت و مملکتک اک زیادہ محتاج اولدینغی قوۃ بحریہ یی اکمال ایچون دونمایہ اعانہ ویریکدر . زیرا بوزماندہ دونمایہ اعانہ ویرمک اعدا ایلہ فی سبیل اللہ جہاد ایتک درجه سنده ثوابدر . چونکہ یوقاریده عرض ایلدیکم احادیث شریفہ بزہ بونی بیسان ایلیمکده در . بوزماندہ دونمایہ اعانہ ویرمک هرسنہ تطوعاً حج ایتک و هر زمان فقرا یہ صدقہ ویرمکدن دہا زیادہ ثوابدر . چونکہ ابن عابدین دن نقل ایلدیکم مسئلہ فقہیہ بزہ بو خصوصی غایت واضح اولہرق کو سترمکده در . بوزماندہ دونمایہ اعانہ دائماً حج ، دائماً جہاد ، دائماً صدقہ مثابہ سنده در . چونکہ بو خصوصہ اعانہ صدقہ جاریہ و خیر دائمی در .

فخر عالم افندمن بیوریور کہ (وفات ایلدکدن صکرہ هر انسانک دفتر اعمالی قیامور ، یالکدر اوچ کیمسہ نک دفتر اعمالی قیامور : بریسی اولدکدنصکرہ صالح اوغلی ویا صالحہ قیزی قالان ، دیکری تألیف ایلدیک نافع بر کتابی قالان ، اوچنجی ده مسجد مدرسہ ، مکتب ، کوپری ، چشمہ کی بر صدقہ جاریہ و خیر دائمی براقان کیمسہ لدر . اوغلی و قیزی صالح حال اوزرہ بولندقچہ ، تألیف ایلدیک کتاب و یابدیرمش اولدینغی مسجد ، مدرسہ ، مکتب ، کوپری ، چشمہ انتفاعہ

خیوه حاکی

مرحوم سید محمد الرحیم بهادر خان

رسلر آسیای وسطیٰ ضبط ایستدکاری زمان تورک خانلقلرندن ایکسینی، بخارا ایله خیوهیی بوسبوتون محو ایتمه دیلر . بونلرک ولو صرف کولکه حالنده محافظه استقلال ایتمه لرینه مهم برسبب، انکله نکه هند حدودینه روسیه نکه وصولندن قوشقولانمسی اولدینی کی دیگر سبیلده یوق دکلدی: روسلر انکلیزلرک هندستانده تعقیب ایستدکاری حمایه اصولی تقلید ایدرلر، یرلی اهالی به دها خوش کورنمک وعین زمانده بخارا وخیوددن اصل روسیه به ادخال اولنه جق امتعه دن کمرک آلاق اقتصاداً استفاده ایتک امیدنده بولنیورلردی. ایشته بوکی سبیلردن طولای بخارا وخیوه خانلری رسماً استقلال لرینی محافظه ایتدیلر؛ انجق روسیه ایمپراطورینک ترکستانده معروف بر تعبیر ایله «آق پادشاهک» حمایه ودوستلغی بالقبول، روسیه حکومتیله مؤبداً عقد اتفاق ایتیش فرضیه حقوقیه سیله مستور بر نوع محکومیه دوچار اولدیلر. روسیه ایله منعقداتفاقلری موجبجه بخارا وخیوه خانلری هیچ بر دولت ایله مناسبات سیاسییه ده بولنه مازلر . بوخانلقلرک دیپلوماسی امور ی تماماً روسیه به براقلدشدر. خانلرک انجق امور داخلیه ده آز چوق استقلال اداره لری واردر. لکن بو استقلال اداره ده صرف نظری وحقوقی اولوب، خانلر، تورکستان والی عمومیسنک ویاختلرنده مقیم روس قونسولوسنک مساعده سنی استحصال ایتمکسزین انک عادی بر حرکت به یله تشبندن قورقارلر .

روسیه نکه خیوهیی ضبطنده (۱۸۷۳) خیوه خانی، هنوزیکرمی یاشلرینه واصل اولمش، محمدالرحیم بهادرخان ایدی. مومی الیه ویاختی روس عسکری طرفدن آلتق اوزره اولدینی کوریر کورمز، شهردن قاجش، صوکره روس قوماندانی جنرال قاولمانه التجا ایدرک، ماهیتی یوقاریده مختصراً آکلاتدیغمز اتفاق معاهده نامه لرندن برینی بالامضا روسیه نکه مساعده سیله، بتکرار خانلق تحت جالس اولمشدی . ایشته بو ذات کچن آغستوس رومینک ۱۶ نجی کونی خیوه شهرنده وفات ایتشد. الله رحمت ایلسون !

محمدالرحیم خان اولدیکی زمان ۶۹ یاشنده ایدی.

بر قاج آی اول صاغ طرفه نزول اصابت ایتدکن، صوکره اوخته لقندن بر دها دوزله مدی ونهایت سکتة قلیه دن کیتدی .

خان، روسجه بيلمزدی. اورویا احوال ومدنیتندن یخبردی. انجق عربی وفارسی لسان وادبیاته واقفدی، شعر ایله اشتغالی سوه ردی. کندی آثارندن متشکل بر دیوان اشعاری موجوددر.

مرحومک ایی قلبی، طرافدار حق وعدالت اولدینی مشهوردر. مملکتی پک اسکی زمانلردن قالمه بسیط بر اصول ایله اداره ایدردی. هرکون سراینک قیوسی اوکنه چیقوب، ایکی اوج ساعت اوطورارق اوراجقده امور اداره وقضا ایله مشغول اولوردی. تبعه سی خانلرینه

ایله ین خول علمادن بر ذات فضائلسمات اولوب (ماردین) نائب اسبقی فضلالی بنامدن سید عمر بن سید محمد افندینک محذوم فضیلت موسومیدر. (۱۲۰۰) تاریخنده (ماردین) ده تولد ایدرک معلومات ابتدائیه سنی وطنی علماسندن تعلمدن صکره دیار بکر، حلب، شام، مصر، درسعادته تحصیلنی بعدالاکمال مسقط رأسنه عودتله نشر علوم وتالیف آثار ایله امرار حیات ایله دی (۱۲۵۹) تاریخنده ارتحال ایله یوب (نکیه) محله سنده واقع (ابراهیم بک) جامع شریفی حظیره سنه دفن ایدلدی، سید صحیح النسب اولدقلری ائمه اثنی عشردن (امام زین العابدین) حضرت لرینه منتهی اولان شجره صدقه دن بالوجوه مستبان اولمقده در. اسملری آتی ده محرر مؤلفاتندن باشقا دها بر خیل آثار قیمتمدار تالیفنه موفقی اولمشلر سده حین وفاتلرنده پک کوچوک یاشنده براقدقلری مخدوملری طرفدن بالطبع محافظه اولنه مادینی جهته مع التأسف بعضیلری ضیاعه اوغرامشدر. السنه ثلاثه ده کی اشعارندن بالخاصه اشعار عربیه سی دها رنگین در. الیوم عائله سی طرفندن الیه ایدیلر بیلن آناری بروجه آتیدر .

۱ — اسماء رجال الحديث و تراجم احوالهم

۲ — تفسیر فاتحه شریفه بحروف مهمله [والی بنسداد شاعر فاضل علی رضا پاشا نامنه اتحاف ایلامشدر .]

۳ — رساله الصفات فی علم الکلام [کذا]

۴ — رساله فی حل مسائل اثنی عشر [ائمه علم کلامدن ابی الحسن الاشعری ایله ابومنصور ماتریدی بینلرنده منازع فیه مسائلک حل و توفیقنه دائردر .]

۵ — القبراطیه الصغری فی علم الفرائض [برده آیرجه کبراسی واردر]

۶ — رساله فی عدم جواز الاعتقاد بالقرطاسیات والنسخیر وما

اشبه ذلک

۷ — رساله فی الرد علی الطاعنین فی اعجاز القرآن

۸ — کتاب فی علم البیان

۹ — حاشیه علی الحاشیه اللاری فی الحکمة

۱۰ — خلاصه المنطق

۱۱ — زوال الترح شرح منظومه ابن فرح فی اصول الحديث

۱۲ — الشافی شرح الکافی فی علمی العروضی والقوافی

۱۳ — مختصر ما هدا التصیص علی شواهد التلخیص

۱۴ — ام العبر [عربی العبارة تاریخ عمومی در .]

۱۵ — قنوا [وظیفه اقتاده بولونقلری زمان میدانه کلن قنوالردن

عبارت اولوب اخیراً جمع وترتینه همت اولونمشدر .]

اشبو آثارک طبعنه تشبث اولونه جتی مع الممنونه مسموع اولدی.

جناب موفق متشبثلرینی موفق بالخیر بویورسون امین

بروسه مبعوثی

محمد طاهر